

A POBLAZIÓN DE LUNA *CIRCA* 1265

Ánchel CONTE CAZCARRO

Ye mui raro tener “zensos” de poblazión en o sieglo XIII, e muito més encara trobar a rilazión nominal d’os abitadors de lugares e ziudaz. A suerte d’alcontrar a enumerazión de toz os infanzons de Luna *circa* 1265¹ ha permitito fer un estudio prou intresán d’a reyalidá d’a billa. Conoxer o nombre de més de 300 bizinos e bizinas, l’orichen e ofizio de beluns, ye un caso eszeuzional en o panorama aragonés, e ista ha estato a razón basica que chustifica iste treballo.

ESTUDIO D’O DOCUMENTO

Ye una rilazión, en luenga aragonesa notarial,² de 338 nombres (beluns imposibles de leyer), ordenatos en tres columnas,³ seguntes parex, sin garra

¹ ACA, Canzillería, r. 8, ff. 71v-73r. A cronolochía ye inzierta porque o rechistro an que aparex o documento base d’iste treballo abasta muitos años. Se trata d’un libro an que se replegan datos sobre impuestos reyals, espezialmén a “cena” que o monarca rezibiba en tota la Corona. Encara que o documento que imos á treballar no porta calendata, per os documentos anteriors e posteriors podemos deduzir que podría estar de 1265.

² L’aragonés notarial yera muito diferén d’a luenga oral, més que més en iste caso, que se trata d’un documento feito en a canzillería reyal.

³ En o folio 73r, que ye o zaguer d’a rilazión, no bi n’ha que una. Á canto aparexen as “cenas” pagatas per dibersos lugares d’Aragón e Cataluña.

criterio, fuera d'os casos de familiars en primer grado, que se meten continos. A lista ye encapetzata per un tetulo que no ye posible leyer de raso: "Estos son los que se fazen infançones en Luna e en todos estos [...] fillos [...]". Asina que queda platero que ye o reconoximiento ofizial d'a condizión d'infanzons que tenieron os abitadors de Luna per grazia de Chaime I. Si se i cuaterna a rilazión en iste rechistro, que ye un libro de cuentas d'a tesorería reyal an que se replegan os pagos d'as zenas reyls en toz os lugars d'Aragón e Cataluña, ye perque os ombres e mullers d'a billa de Luna en yeran ecsentos.

A cuasi totalidá d'os nombres han puesto leyer-se, como queda contri-muestrato en o cuadro que aparex més entabán, de manera que nosalcontra-mos debán un d'os més completos "zensos" de poblazión d'una billa aragonesa en o sieglo XIII.

O CUADRO ISTORICO

A billa de Luna tiene una importanzia espezial adintro d'o reino d'Aragón, per a suya proximidá á la güega nabarra e per estar pasache obligato en a ruta que meteba en comunicazión Uesca con o reino bizino.⁴ Ixo chustificaría l'afeuto manifestato per os reis aragoneses, per un costato, e per l'atro a trazendencia militar e economica d'a billa, demostrata en a creyazión d'una comanda templaria.⁵

Luna estió repoblata per Sancho Ramírez, qui en 1093 dio á o suyo merino Banzo Azcones, conoxito como Baacala o Baccala, un terreno ta obrar un castiello d'o que se conoxen dibersos "tenentes": o "infante" Alifonso (futuro Batallador), en 1097; Lope Enecons, en 1136, e os suyos fillos Pedro López de Luna (Maestre de l'Espital) e Loferrench (o Lop Ferrenc), e o suyo nieto, dito tamién Loferrench, en 1177. Chaime I lo donó á Artal de Luna, chunto con

⁴ Vid. BALAGUER, Federico, "El antiguo camino de Luna y las comunicaciones con Navarra", *Argensola*, 16 (1953), pp. 347-352.

⁵ A comanda ye istituyita en a metá d'o sieglo XII e conta con l'aduya d'a nobleza local, como Baacala e otros señors d'a billa. Més tardi, estió integrata en a comanda de Uesca e o combento se zarró alto u baxo en 1220. Vid. CONTE, Á., "La casa templaria de Luna y su dependencia de la encomienda oscense", *Argensola*, 87 (1979), pp. 5-43; *La Encomienda del Temple de Huesca*, Huesca, IEA, 1986.

atros castiellos, per 20 000 sueldos. En 1320, lo rezebió o “infante” Alifonso e parex que estió en mans de miembros d’a familia reyal dica que Pedro IV lo bendió á Lope Fernández de Luna, qui en 1348 estió feito conde de Luna, o primer tetulo noble conzedito en Aragón á una persona de sangre no reyal.⁶

Asina que, en o inte d’o documento que aquí estudiamos, Luna yera baxo lo poder d’o rei u de bel miembro d’a suya familia. A conzesión d’a condizión d’infanzón á toz os ombres e mullers d’a billa puede deber-se á una preba ta mirar de reautibar a economía d’o lugar, que beneficiaría sobre tot á o señor, que no yera atro que o rei. Ye cuasi seguro que o sieglo XIII marca o prenzipio d’a decadenzia de Luna, como puede deduzir-se de feitos como a desaparixión d’o combento templario e l’aturata d’a costruición d’obras importans.⁷ Manimenos, o papel que Luna podeba chugar en as comunicacions e en a esfensa interior d’o reino explicaría la boluntá reyal de faborexer a suya poblazón e garantir bels dreitos coleutibos que quedan á salbo con a conzesión d’a infanzonía.

¿Qué suposa la infanzonía, esautamén? Os espezialistas la trestallan en barios tipos: os infanzons “ermunios” u de naximiento; os de “carta”, per conzesión indibidual, e os de “poblazón”, per un regular per donazón de bel fuero u prebilexios á un lugar.⁸ Iste zaguer ye o caso que somos tratando. Estar infanzón suposa depender dreitamén d’o rei e estar libre d’o pago de tasas personals (que ye o que replega o documento que treballamos), e tamién ecsenzions sobre o patrimonio.

En 1265, en as Cortes de Exeya, son ratificatos os prebilexios d’os infanzons e mesmo son enamplatos. Alcaso calga buscar en iste feito a reda-

⁶ A bibliografía á o respetibe ye mui numerosa, pero me remito á GUITART, C., *Castillos de Aragón I*, Zaragoza, Librería General, 1976, pp. 114-117.

⁷ Os grans monumentos de Luna son toz d’o sieglo XII u mesmo anteriors: o castiello (desaparexito en epoca contemporanea) yera de finals d’o sieglo XI, as ilesias de San Chil e de Santiago d’o sieglo XII, asina como otros edifizios perditos (vid. CANELLAS, Á., e Á. SAN VICENTE, *Aragon roman*, Yonne, Zodiaque, 1971). As atras costruicions que güei encara i son datan d’os sieglos XV e XVI.

⁸ Vid. BRIOSO, Chulio, “Os infanzons n’os testos forals aragoneses”, en *Actas del VII Congreso Internacional de Estudios Pirenaicos (Seo de Urgel, 1974)*, Jaca, 1983, t. VI, pp. 277-286; “Los infanzones en los fueros aragoneses de la época de Jaime I”, en *Actas del X Congreso de Historia de la Corona de Aragón (Zaragoza, 1976)*, Zaragoza, 1982, pp. 61-70.

zión d'o documento que comentamos, seiga perque en ixas Cortes se conzedese a infanzonía á os ombres de Luna u perque, debán a pretensión d'os recaudadors reysals de cobrar-les a zena, esen á recorrer á o tesorero reyral ta que fese baler os dreitos ratificatos en Exeya. Seiga un caso u l'atro, a berdá ye que consona la calendata d'as Cortes d'Exeya con a d'a escritura base d'iste treballo.

A POBLAZIÓN DE LUNA CIRCA 1265

Contamos con una rilazón de 338 nombres, pero yeran més os habitadors, perque en o numero 289 se diz “Los fillos de don Gonzalvo E[...]”, e en o numero 289, “Domingo Enecalinz e so padre”. Tamién ye berdá que un nombre ye repitito: María Pérez Mataossos bi aparex en os numeros 90 e 109. En cualesquier caso, a lista suposa més de 340 personas que son, profes, capezas de familia, perque tal como reconoxe o tetulo d'a escritura os nombres cuaternatos son os que gozan d'a condizi3n d'infanzons, pero tamién os suyos fillos.

Ixas 240 familias permiten abenturar que a poblazi3n infanzona de Luna podría estar de, alto u baxo, 1700 personas. Antimás, á ixos posibles 1700 infanzons caldría adibir os que desfrutaban d'estatuto espezial, como lo clero e os caballers que podeban serbir en o castiello, amés d'ombres dependiens de churisdizi3ns señorials, como los ombres que os templarios manteneban en a billa, encá que o combento ese ya desaparexito.⁹ Amés cal tener en cuenta os miembros d'a comunidá chodiga, que sapemos que en 1286 se composaba de siete familias que constituyiban una *aljama* reyral,¹⁰ e os abitadors de feito pero no de dreito, antiparte d'os miembros d'a clase serbil. Tot ixo nos daría una poblazi3n que, encá que difízil de calcular, podría estar de, alto u baxo, no muito luen d'os 1800 u 1900 abitans, cantidá que fa d'a billa de Luna un lugar semiurbano, como més entabán miraremos de contimostrar.

⁹ En 1302, güeitanta años dimpuesas d'a clausura d'a casa templaria, se sape que o Temple teneba, como minimo, un ombre en Luna baxo a suya churisdizi3n. Estoi que eban á estar beluns més, perque o gran patrimonio templario permitiba mantener belas familias (vid. CONTE, Á., *La Encomienda...*, *op. cit.*, pp. 53 e ss., e 183 e ss.).

¹⁰ DURÁN, A., *La judería de Huesca*, Zaragoza, Guara, 1984, pp. 9-10.

Bien pocos lugares d'a zona abastaban iste numero de bizinos, de manera que parex platera la reautibazi3n d'a que parlábanos entalto, zaga la crisis orichinata per a reconquista e a repoblazi3n d'as tierras meridionals con chens que probeniban d'as tierras altas e meyas d'Arag3n, e tamién perque, fixata finitibamén a güega con Nabarra, a billa perdió importanzia militar. En o creximiento d'o comercio aragonés en a segunda metá d'o sieglo XIII caldrá buscar a razón d'o despegue de muitos lugares que ocupan un puesto estratechico en as comunicazi3ns, como ye o caso de Luna.¹¹

COMPOSIZIÓN D'A POBLAZIÓN

Composizi3n per secsos

D'o total d'os 338 nombres, se sape que 256 son barons (caldría adibir-ie un ombre més, sin de nombre: o pai de Domingo Enecalinz, nº 319), 69 son mullers e de 12 no podemos saper o secso. Asina, pues, alto u baxo, un 22% d'os capezas de familia son mullers, o que indica un alto numero de biudas. Alasbez, se fa costar o nombre d'o marido.¹² En atras ocasiones, no se cuater-na o nombre d'a muller, només o d'o marido.¹³ Tamién á belas mullers se las mete en rilazi3n con o suyo pai u con a suya mai.¹⁴ Á ormino, la muller aparex ascrita á un bar3n, pero sin fer saper si ye o marido u o pai,¹⁵ encara que o més seguro ye que faiga riferenzia á o marido. Ye de creyer que siempre que se fa

¹¹ Vid. BALAGUER, *op. cit.*, e CONTE, Á., “Notas sobre el desarrollo mercantil de L'Aínsa durante la Edad Media”, *Argensola*, 92 (1981), pp. 205-226. A importanzia d'a bía comercial Uesca-Luna ye notable tamién en os sieglos XIV e XV, e asobén se fa riferenzia en a documentazi3n á o pontache e atras tasas ta os que emplegaban iste camín (vid. CONTE, Á., *La aljama de moros de Huesca*, Huesca, IEA, 1992).

¹² Per exemplo, “Johana muller de don Bonet, çapatero” (nº 188) e “dona Toda muller de Fortún Pérez” (nº 216).

¹³ “La muller de don P. de Auero” (nº 203), per exemplo.

¹⁴ “Toda su filla” (de “dona Lena Çoradardo”, nº 46), “dona Sancha filla de don Sanz Pérez” (nº 142), “María filla suya” (nº 204), “de la muller de don P. de Auero” (nº 203), “dona Oria dona Berenguera” (nº 226), “dona Oria de Sanchabita” (nº 226).

¹⁵ “María de Gil Navarro” (nº 40), “dona Sanya de don Sanz Pérez” (nº 75), “dona María don Gil Ferrero” (nº 78), “dona Elvira don Beltrán” (nº 132), “María don Bonet” (nº 185), “dona Toda de Xamén del Abat” (nº 247).

iste tipo d'alusión ye perque a muller ye biuda, perque si no a condición de capeza de familia correspondería á o suyo esposo. Si l'ascrizión ye á o suyo pai puestar que estemos debán mullers solteras mayors d'edá propietarias de biens, o que les permitiba tener a condición de capezas de familia.

As riferenzias familiars, amés d'as ya zitatas, son frecuens, encara que no siempre se faiga costar. Per exemplo, belas personas con un mesmo apellito tan particular como ye Çoradardo (n^{os} 36, 48, 49 e 50) no aparexen mentatos como familiars, encá que puede asegurar-se que en yeran. O mesmo puede dizir-se d'as tres personas clamatas de “dona Bonesma” (n^{os} 312, 313 e 315). Manimenos, sí que se'n fa con Lena Çoradardo e a suya filla. O més probable ye que cuan se replega o binclo familiar seiga per dos razons: ta identificar millor á la persona e/u ta indicar bel tipo de rilazón u dependencia, como puede estar compartir a casa u otros biens.¹⁶ Talmén per ixo no se cuaterna o tipo de binclo familiar en atras occasions, como ye o caso ya dito de los Çoradardo u o de Francha de Mataossos e María Pérez de Mataossos (n^{os} 88 e 89).

O numero de mullers biudas e/u solteras nos amuestra una tasa de feminidá per alto de 100, encara que calga prener con muita precaución l'afirmación per a pobreza e poca claredá d'os datos, perque, entre atras cosas, d'os barons no sapemos o suyo estato zebil, pues, biudos u casatos, no son nunca ascritos a denguna muller; només, como ya emos bisto, aparexen rilazonatos con a mai u con o pai, o que nos fa decantar-nos á pensar que en ixo caso son solteros.

¹⁶ Tenemos, antimás d'os casos cuaternatos antis, istas riferenzias: “Domingo Frontín e o suyo fillo Jayme” (n^{os} 18 e 19); “Domingo Mercollo, Examenelle e o suyo fillo e Examen d'Agüero e o suyo choben” (n^{os} 32, 33 e 34); “Toda Botaya e o suyo fillo García Martínez” (n^{os} 53 e 54); “Toda Larrosa e o suyo fillo Domingo” (n^{os} 55 e 56); “don ? del Bayllo e o suyo fillo Bertholomeu” (n^{os} 70 e 71); “Gil Ferrero choben de P. Vaquero” (n^o 74); “María don Gil Ferrero e o suyo fillo Rodrigo Ferrero” (n^{os} 78 e 79); “P. Garcés de los Ferreros e o suyo fillo Johan López” (n^{os} 82 e 83); “[...].sa[...]a, o suyo fillo e a suya filla” (n^{os} 102, 103 e 104); “? fillo de Johan Ferrero” (n^o 113); “Ximeno de don P. Alamán” (n^o 126); “Domingo Çoradardo e o suyo fillo” (n^{os} 130 e 131); “P. Çuera o pai e o suyo choben Alamán” (n^{os} 173 e 174); “Salbador fillo d'o corredor” (n^o 189); “María Doap e o suyo fillo Domingo” (n^o 206); “Domingo fillo de don P. Xaménez” (n^o 230); “Johan Gil de los Molinos e o suyo choben Pedro” (n^{os} 234 e 235); “Gil Escudero e o suyo choben Rodrigo” (n^{os} 245 e 246); “Toda Xamén del Abat e o suyo fillo Sanz Pérez” (n^{os} 247 e 248); “Sancha Bothaya e Martín Pérez o suyo fillo” (n^{os} 267 e 268); “Oria Ressal e o suyo fillo Sanz de Ressal” (n^{os} 277 e 278); “fillos de don Gonzalo” (n^o 289), e “Domingo Enecaliz e o suyo pai” (n^o 319).

RILAZIÓN D'INFANZONS DE LUNA CIRCA 1265

Nº	Nombre	Secso	Orichen	Nombre actual	Comarca	País	Mestier
1	Pero Borau	B	Borau	Borau	Aragón	Aragón	
2	Domingo de Castiello Manco	B	Castelmanco	Agüero, espoblato	Aragón	Aragón	
3	Domingo Savastián	B					
4	Miguel Molinero	B					Moliner
5	Domenga de Nualas	M	¿Nueblas?	Ena, espoblato	Aragón	Aragón	
6	Tomás de Atarés	B	Atarés	Atarés	Aragón	Aragón	
7	? de las Porgaderas	B					¿Moliner?
8	Pero Boleya	B	Boleya	Boleya	Uesca	Aragón	
9	Agnés Çapatera	M					Zapatera
10	Benedet Ferrero	B					Ferrer
11	Gil, ferrero de la plaça	B					Ferrer
12	? de don Domenge	?					
13	Adam de Ahuero	B	Agüero	Agüero	Uesca	Aragón	
14	García Pérez de Peralvira	B					
15	Domingo fill del corredor	B					Corredor
16	Jurdán de Tena	B	Tena	Bal de Tena	Aragón	Aragón	
17	don Sanyo don París	B					
18	Domingo Frontín	B					
19	Jayme su fillo	B					
20	Miechel de Yvardos	B	Ibardués	sin localizar			
21	Toda Pérez	B					
22	Rodrigo fil de la Justicia	B					¿Justizia?
23	Pero de Ariglos	B	Riglos	Riglos	Uesca	Aragón	
24	Domingo Carraço	B					
25	Pero Tares	B					
26	Domingo de Ardaniesso	B	Ardaniés	Embún, espoblato	Aragón	Aragón	
27	Pero de Biel	B	Biel	Biel	Zinco Billas	Aragón	
28	Johan Pérez de Guerrero	B					
29	Domingo Ascanes	B	Ascany	Escusaguás, esp.	Aragón	Aragón	
30	María Borau	M	Borau	Borau	Aragón	Aragón	
31	Michel de Longás	B	Longás	Longás	Zinco Billas	Aragón	
32	Domingo Mercollo	B	Marcuello	Sarsamarcuello, esp.	Uesca	Aragón	
33	Examenelle su fillo	B					
34	Examen de Auero su gerno	B	Agüero	Agüero	Uesca	Aragón	
35	Oria Sagristán	M					
36	Michel Çoradardo	B					
37	Sanya del Frao	M	El Frago	El Frago	Zinco Billas	Aragón	
38	Examen de Taust	B	Tauste	Tauste	Zinco Billas	Aragón	
39	Examen de Exea	B	Exeya	Exeya	Zinco Billas	Aragón	
40	María de Gil Navarro	M					Nabarra
41	P. Aznárez de la Abadía	B					
42	Teresa de Ortiella	M	Ortiella	Ortiella	Uesca	Aragón	
43	Johan de Ahuero	B	Agüero	Agüero	Uesca	Aragón	
44	Sanya de Saranyena	M	Sariñena	Sariñena	Monegros	Aragón	
45	Johan Pérez de Peralvira	B					
46	dona Lena Çoradardo	M					
47	Toda su filla	M					

Nº	Nombre	Secso	Orichen	Nombre actual	Comarca	País	Mestier
48	García Çoradardo	B					
49	Pero Garcez Çoradardo	B					
50	Salbador Çoradardo	B					
51	P. Garcez gerno P. Borau	B	Borau	Borau	Aragón	Aragón	
52	P. Garcez de dona Beatriz	B					
53	dona Toda Botaya	M	Botaya	Botaya	Aragón	Aragón	
54	García Martones so fillo	B					
55	dona Toda Larrossa	M	Larrosa	Larrosa	Aragón	Aragón	
56	so fillo Domingo	B					
57	dona Narbona Larrossa	M	Larrosa	Larrosa	Aragón	Aragón	
58	Domingo Albero	B	Albero	Albero (Alto e Baxo)	Uesca	Aragón	
59	don García López de Albero	B	Albero	Albero (Alto e Baxo)	Uesca	Aragón	
60	don García Lamuela	B	Lamuela	Lamuela	¿Zaragoza?	Aragón	
61	Doming de Auero	B	Agüero	Agüero	Uesca	Aragón	
62	García Larrossa	B	Larrosa	Larrosa	Aragón	Aragón	
63	Nicholau de Garissa	B	Garisa	Quinzano, espoblato	Uesca	Aragón	
64	Enego Ortín	B					
65	García Aragón	B		Aragón, río	Aragón	Aragón	
66	dona Granada de ?	M					
67	Domingo de Orós	B	Orós	Orós	Aragón	Aragón	
68	P. Martínez de Moro	B					
69	Sanz de T... ?	B					
70	don ? del Bayllo	B					
71	su fillo < Bertholomeu	B					
72	Domingo Maxions	B	Maxons	Maxons	Aragón	Aragón	
73	Johan de Moriello	B	Moriello	Moriello de Galligo	Uesca	Aragón	
74	Gil Ferrero gerno de P. Vaquero	B					Ferrer/baquer
75	dona Sanya de don Sanz Oérez	M					
76	Jayme Pelicero	B					Pelaire
77	Domingo Borau	B	Borau	Borau	Aragón	Aragón	
78	dona María don Gil Ferrero	M					Ferrer
79	don Rodrigo Ferrero su fillo	B					Ferrer
80	Sanz de Auero çapatero	B	Agüero	Agüero	Uesca	Aragón	Zapater
81	Sanz de Lobera	B	Lobera	Lobera de Onsella	Zinco Billas	Aragón	
82	P. Garcez de los Ferreros	B					Ferrer
83	Johan López su fillo	B					
84	García de Uaso	B	Guaso	Guaso	Arag./Sobr.	Aragón	
85	Domingo Ferrero	B					Ferrer
86	Michel de Ressal	B	Rasal	Rasal	Aragón	Aragón	
87	Domingo Novés fillo de Sanz	B	Nobés	Nobés	Aragón	Aragón	
88	Gil de Borau	B	Borau	Borau	Aragón	Aragón	
89	Francha de Mataossos	M					
90	María Pérez de Mataossos	M					
91	Xamén de Lera	B	Lera	partitas dibersas		Aragón	
92	Domingo Galego	B	Galligo	Galligo, río		Aragón	
93	García Escaua	B	¿Escagiés?	Echo, espoblato	Aragón	Aragón	
94	Domingo de Seral	B	¿Serán?	Puartolas, partita	Sobrarbe	Aragón	
95	Pero Dul	B					
96	dona Gracia Merzera	M					Merzera

Nº	Nombre	Secso	Orichen	Nombre actual	Comarca	País	Mestier
97	don Gastón	B					
98	don Sanç de Tena	B	Tena	Bal de Tena	Aragón	Aragón	
99	Alavez de Reua	B	¿Arruaba?	Arruaba	Sobrarbe	Aragón	
100	Domingo los Molinos	B					Moliner
101	?	?					
102	...sasal...a	?					
103	su fillo	B					
104	su filla	M					
105	Domingo Pérez ferrero	B					Ferrer
106	? de Tena de Lasierra	?	Tena	Bal de Tena	Aragón	Aragón	
107	Gastón de Cabeza	B					
108	Nicholau de Betés	B	Betés	Betés	Aragón	Aragón	
109	María Pérez de Mataossos	M					
110	...n de Cabeça	?					
111	...vona Çapatera	M					Zapatera
112	María Gil	M					
113	? fillo de don Johan Ferrero	B					Ferrer
114	Benedet de Aysa	B	Aísa	Aísa	Aragón	Aragón	
115	G[uillén] de Exavierre	B	Ixabierre	Ixabierre	Arag./Sobr.	Aragón	
116	...ncha Longás	M	Longás	Longás	Zinco Billas	Aragón	
117	...elicia de Borau	M	Borau	Borau	Aragón	Aragón	
118	Esrevanía de Agón	M	Agón	Agón	Moncayo	Aragón	
119	Domingo Arruevo de Ardanesio	B	Ardaniés	Embún, espoblato	Aragón	Aragón	
120	Domingo de Ul	B	Ulle	Ulle	Aragón	Aragón	
121	Domingo Navarro	B				Nabarra	
122	Oliva de Borau	M	Borau	Borau	Aragón	Aragón	
123	Sanz de Auero el Rico	B	Agüero	Agüero	Uesca	Aragón	
124	Pero Xeménez de Taust	B	Tauste	Tauste	Zinco Billas	Aragón	
125	Tota Escutaria	M					Escudera
126	Ximeno de don P. Alamán	B					
127	? de Fanyanás	?	Fañanars	Fañanars	Uesca	Aragón	
128	Domingo Novés Luengo	B	Nobés	Nobés	Aragón	Aragón	
129	...n de Ahuero	¿B?	Agüero	Agüero	Uesca	Aragón	
130	Domingo Çoradardo	B					
131	so fillo	B					
132	dona Elvira don Beltrán	M					
133	Johan de Exea so gierno	B	Exeya	Exeya	Zinco Billas	Aragón	
134	Michel Gal el Pelicero	B					Pelaire
135	Gil de Salina	B	Salinas	Salinas	Arag./Sobr.	Aragón	
136	don Frontín	B					
137	Tomás de La Rossa	B	Larrosa	Larrosa	Aragón	Aragón	
138	María dona Mayor	M					
139	Domingo Cossino	B					
140	Johan Pérez de Laseras	B					
141	Johan de Borau	B	Borau	Borau	Aragón	Aragón	
142	dona Sancha filla de Sanz Pérez	M					
143	P. Couera el fillo	B					
144	Sancha el Valle	M					

Nº	Nombre	Secso	Orichen	Nombre actual	Comarca	País	Mestier
145	Martín de Laliena	B	Liena	Lienas	Uesca	Aragón	
146	Oria de Villa Luenga	M	Billalangua	Billalangua	Aragón	Aragón	
147	García Moriello	B	Moriello	Moriello de Galligo	Uesca	Aragón	
148	Domingo Pérez Cabeça	B					
149	Estevanía de Pozant	M	Pozán	Pozán de Bero	Semontano	Aragón	
150	Sanz Cornel	B					
151	Jurdana Fraynuales	M					
152	Xamén Cornel	B					
153	Martín de Xivierre	B	Ixabierre	Ixabierre	Arag./Sobr.	Aragón	
154	P[ero] Lambán	B					
155	Sancho Sagristán	B					Sacristán
156	P[ero] Ferrero	B					Ferrer
157	Fertún del Arba	B	Arba	Arba, río	Zinco Billas	Aragón	
158	Ben[edet] de Santa Cristina	B	Santa Cristina	Canfranc, espoblato	Aragón	Aragón	
159	Sancho de Saldaruelo	B					
160	Martín de Liso	B	Liso	Lobarre, espoblato	Uesca	Aragón	
161	Martín de Sena Sanz	B	Sena	Sena	Monegros	Aragón	
162	Johan Cornel	B					
163	Ramón Sargariello	B					
164	Sanio Ortí ferrero	B					Ferrer
165	García Morlans adobador	B	Morlaas	Morlaas		Franzia	Adobador
166	Martín de don Vicient	B					
167	Michel de Borau	B	Borau	Borau	Aragón	Aragón	
168	Sancha Arinçuelo	M	¿Arinzué?	Tella, partita	Sobrarbe	Aragón	
169	Paschual de Felip	B					
170	Pero de Arán pelicero	B	Arán	Bal d'Arán		Cataluña	Pelaire
171	María Pérez de Arau	M	Araul	sin localizar		Aragón	
172	Domingo de Osia	B	Osia	Osia	Aragón	Aragón	
173	don P[ero] Çuera el padre	B	Zuera	Zuera	Zaragoza	Aragón	
174	Alamán so gierno	B					
175	don Salvador Sagrestano	B					Sacristán
176	don Johanon	B					
177	P[ero] de Morlans l'adobador	B	Morlaas	Morlaas		Franzia	Adobador
178	Gil de Borau	B	Borau	Borau	Aragón	Aragón	
179	P[ero] Tudela el mercero	B	Tudela	Tudela		Nabarra	merzer
180	G. Çunquer	B					
181	Brun de Escabués	B	Escagüés	Echo, espoblato	Aragón	Aragón	
182	Pero Fuantes	B					
183	R. Sanz	B					
184	R. don Domenge	B					
185	María don Bonet	M					
186	Domingo Foradiello	B					
187	dona Oria Babursa	M	Barbusa	Barbusa	Aragón	Aragón	
188	Johana muller Bonet çapatero	M					Zapater
189	Salbador fil del corredor	B					Corredor
190	donya Sania de Auero	M	Agüero	Agüero	Uesca	Aragón	
191	dona María Johan	M					
192	dona Perona	M					

Nº	Nombre	Secso	Orichen	Nombre actual	Comarca	País	Mestier
193	Gil de Ahuero	B	Agüero	Agüero	Uesca	Aragón	
194	Martín G.	B					
195	Vicient de la Carosa	B	Lacarrosa	sin localizar		Aragón	
196	Domingo don Domenge	B					
197	Johan Pérez de Esconçano	B	Esconzano	sin localizar		Aragón	
198	Martín Sagristano	B					Sacristán
199	Sobraria Sagristana	M					Sacristana
200	Sanyo de Juliana	B					
201	Mancos	B					
202	Jurdana de Maça	M	Maza	sin localizar		Aragón	
203	la muller de don P. de Auero	M	Agüero	Agüero	Uesca	Aragón	
204	María filla suya	M					
205	María Doap	M					
206	Domingo Doap so fillo	B					
207	R. de la Cal	?					
208	Xameno de Cenarb	B	Zenarbe	Zenarbe	Aragón	Aragón	
209	Xamen de Sagrestano	B					Sacristán
210	P. Xaménez de Otín Ferrero	B					Ferrero
211	Martín d'Oiç	B	Aoíz	Aoíz		Nabarra	
212	García Pérez de Araul	B	Araul	sin localizar		Aragón	
213	R. Catalán	B				Cataluña	
214	Andreu de los Molinos	B	¿Os Molins?	Os Molins	Uesca	Aragón	¿Moliner?
215	Johan de Atarés	B	Atarés	Atarés	Aragón	Aragón	
216	dona Toda muller de F. Pérez	M					
217	Domingo Pérez don Cornel	B					
218	don P. dona Elsa	B					
219	Blascho Çuera	B	Zuera	Zuera	Zaragoza	Aragón	
220	Domenga Pardimera	M					
221	don Enego de Ahuero	B	Agüero	Agüero	Uesca	Aragón	
222	D...xn...franchos	?					
223	dona Oria su hermana	M					
224	Sancho de Lera su ermano	B	Lera	partitas dibersas			
225	Sanz de Aniessa	B	Añesa	Exeya, espoblato	Zinco Billas	Aragón	
226	dona Oria dona Berenguera	M					
227	Sanz de Carrera	B					
228	? de García Albira	?					
229	Johan Ferrero	B					Ferrer
230	Domingo fillo don P. Xaménez	B					
231	Aznar de Borau	B	Borau	Borau	Aragón	Aragón	
232	don Pero Torres	B	Torres	dibersos lugares			
233	Domingo Marín López	B					
234	Johan Gil de los Molinos	B	¿Os Molins?	Os Molins	Uesca	Aragón	¿Moliner?
235	Pedro so gierno	B					
236	Pero de Ardaniesso	B	Ardaniés	Embún, espoblato	Aragón	Aragón	
237	Johan de Mascarón	B	Mascarón	Alcalá d'o Bispe, part.	Uesca	Aragón	
238	Domingo de Araul	B	Araul	sin localizar		Aragón	
239	Bartholomeu de Faynanás	B	Fañanars	Fañanars	Uesca	Aragón	
240	don Gil de Ardaniesso	B	Ardaniés	Embún, espoblato	Aragón	Aragón	

Nº	Nombre	Secso	Orichen	Nombre actual	Comarca	País	Mestier
241	García P. de las Embragadas	B					
242	Jurdana de Huesca	M	Uesca	Uesca	Uesca	Aragón	
243	Jurdana de Castiello Manco	M	Castelmanco	Agüero, espoblato	Uesca	Aragón	
244	Bertrán de Senés	B	Sinués/Senés	Sinués/Senés	Arag./Moneg.	Aragón	
245	Gil Escudero	B					Escuder
246	Rodrigo so gierno	B					
247	dona Toda de Xamen del Abat	M					
248	don Sanz Pérez so fillo	B					
249	P. López so fillo	B					
250	P. Arbués	?	Arbués	Arbués	Aragón	Aragón	
251	dona Sanya de Ahuero	M	Agüero	Agüero	Uesca	Aragón	
252	dona Toda Sagristana	M					Sacristana
253	dona Ferrera de Larossa	M	Larrosa	Larrosa	Aragón	Aragón	
254	Bartholeua de Lobera	M	Lobera	Lobera	Zinco Billas	Aragón	
255	Tomás Baquero	B					Baquer
256	dona Oria de Sanchabita	M					
257	Sanz de ¿Cayata?	B					
258	Domingo de Trist	B	Triste	Triste	Aragón	Aragón	
259	García Muço	B					
260	Pero Ortiz	B					
261	García Pérez de Tena	B	Tena	Bal de Tena	Aragón	Aragón	
262	Michel de Marcuelo	B	Marcuelo	Sarsamaruelo, esp.	Uesca	Aragón	
263	Domenga de Petit	M					
264	dona Domenga de Puyo	M	Pueyo	dibersos lugares		Aragón	
265	Pedro de Nou Fonts	B	Nofuentes	Salinas de Jaca, casa	Aragón	Aragón	
266	Sanz de Yuardas	B	Ibarduás	sin localizar		Aragón	
267	don Pelegrín de Scurçano	B					
268	Sancha de Bothaya	M	Botaya	Botaya	Aragón	Aragón	
269	Martín Pérez so fillo	B					
270	Oria de Yvardos	M	Ibarduás	sin localizar		Aragón	
271	Bertrán de Sancta Cruz	B	Santa Cruz	Luna, partida	Zinco Billas	Aragón	
272	Sanz de Cavarre	B	Gabarre	Gabarre	Sobrarbe	Aragón	
273	Toda Xeménez	M					
274	Enego Esrronat	B					
275	Johan Pérez de Fuentes	B	Fuentes	dibersos lugares		Aragón	
276	Sanz de Orós	B	Orós	Orós	Aragón	Aragón	
277	dona Oria Ressal	M	Rasal	Rasal	Aragón	Aragón	
278	Sanz de Ressal so fillo	B	Rasal	Rasal	Aragón	Aragón	
279	Jurdán de Puyo	B	Pueyo	dibersos lugares		Aragón	
280	Martín Pérez de Cuscuello	B					
281	Andregoto Boca Viu	M	Biu	Biu	Sobrarbe	Aragón	
282	Pero Frontín	B					
283	Sanz Dolcal	B					
284	don Xameno de don Bertrán	B					
285	García Frontín	B					
286	Pero López	B					
287	Gonzalvo de don Bertrán	B					
288	San de Ahuero	B	Agüero	Agüero	Uesca	Aragón	
289	fillos de don Gonzalvo de E...	B					

Nº	Nombre	Secso	Orichen	Nombre actual	Comarca	País	Mestier
290	Sancho de Ara	B	Ara	Ara, río	Sobrarbe	Aragón	
291	Pero Escorçano	B					
292	Pero Tena	B	Tena	Bal de Tena	Aragón	Aragón	
293	Juan Martínez	B					
294	don Gonçalvo de Scurçano	B					
295	Martín Xeménez de d. Toda	B					
296	Martín de Navasa	B	Nabasa				
297	don García de la Bruna	B		Nabasa	Aragón	Aragón	
298	Sancho M...	B					
299	Jaques S...	B				Franzia	
300	Oria de Armaynach	M	Armañac	Armañac		Franzia	
301	García Faynanás	B	Fañanars	Fañanars	Uesca	Aragón	
302	Lop Sanz	B					
303	P. Johan de María López	B					
304	P. Cocinero	B					Cozoner
305	García López de Ortiella	B	Ortiella	Ortiella	Uesca	Aragón	
306	Granada de la Corona	M	La Corona	Luna, partita	Zinco Billas	Aragón	
307	Domingo Araylla	B					
308	Blasco de Echo	B	Echo	Echo	Aragón	Aragón	
309	P. de Lusia	B	Luesia	Luesia	Zinco Billas	Aragón	
310	Sancho de Lusia	B	Luesia	Luesia	Zinco Billas	Aragón	
311	A. de la Corona	B	La Corona	Luna, partita	Zinco Billas	Aragón	
312	Domingo de dona Bonesma	B					
313	Johan de dona Bonesma	B					
314	Domingo Roldán	B					
315	Bartholomeu de dona Bonesma	B					
316	Johan de Artasona	B	Artasona	Artasona	Uesca	Aragón	
317	Exemén de Ayvar	B	Áivar	Áivar		Nabarra	
318	García de Assín	B	Asín	Asín de Broto	Sobrarbe	Aragón	
319	Domingo Enecalinz e so padre	B					
320	...a...g...sa...	?					
321	García de Auero	B	Agüero	Agüero	Uesca	Aragón	
322	...o Brun	B					
323	García Moriello	B	Moriello	Moriello de Galligo	Uesca	Aragón	
324	Michel de Moriello	B	Moriello	Moriello de Galligo	Uesca	Aragón	
325	Martín de El Fraho	B	El Frago	El Frago	Zinco Billas	Aragón	
326	Enego del Fraho	B	El Frago	El Frago	Zinco Billas	Aragón	
327	García Gallego	B	Galligo	Galligo, río		Aragón	
328	Enego de Sus	B	Sus de Pueyo	sin localizar		Aragón	
329	Johan López	B					
330	Domingo Ballestero	B					Ballester
331	Açnar de Larraç	B	Larraz	Embún, partita	Aragón	Aragón	
332	Enego de lobera	B	Lobera	Lobera	Zinco Billas	Aragón	
333	P. López de Bassa	B	Basa	sin localizar			
334	Exemeno de lera	B	Lera	sin localizar			
335	P. López fil de don Calbet	B					
336	Gilbert don Alfons	B					
337	Gil Cabrero	B					Cabrer
338	Fortuny López	B					

Composición étnica

Encara que legalmén toz os rilazionatos en o documento son aragoneses, bi n'ha de distintas prozedenzias, beluns mesmo estranchers. A minoría més notable yera, de seguro, a d'os chodigos, d'os que no sapemos ni a suya autibidá economica ni a suya partizipazió en a bida d'a billa. Sí que ye conoxito que bi abió casos d'emigración enta tierras de señorío ta esclampar d'a presión fiscal reyal, o que obligó á Alifonso III, en 1228, á ordenar á o conzello que presionase á l'*aljama* ta que pagase totas as deudas d'os suyos miembros.¹⁷ En cualsiquier caso, a minoría chodiga ye cuasi seguro que s'adedicase, como per un regular fan en toz os lugares, á o comercio e l'artesanía, anti-más de quefers especulatibos.

Os estranchers d'orichen presens en a lista son zinco nabarros, cuatro franceses e dos catalans. Como queda platero, un numero baxo, pero per alto d'o que yera abitual en o mundo rural.¹⁸ E isto ye asina porque Luna teneba, per o bolumen de poblazió e per o suyo papel en as comunicazions, un caráuter semiurbano, como antis s'ha dito. Ye probable, tamién, que bi'n ese més d'estranchers residens, pero que per no estar abitadors de dreito no tenesen a posibilidá d'alquirir a condizió d'infanzón, e, consecuenmén, no aparexen cuaternatos en o documento. Ye mui probable que a minoría estranchera, igual como la chodiga, tenese un papel espuntato en a economía d'a billa, espezialmén en o terreno artesanal, como puede deduzir-se d'o feito que d'os nueu estranchers que conoxemos sepamos o mestier de cuatro: tres rilazionatos con o cuero e un merzer.

Os aragoneses son d'oríchens muito dibersos, encara que predominan os d'as comarcas que redolan Luna, sobre tot d'as tierras d'o norte e concretamén d'o biello Aragón. Bi n'ha menos d'a redolada de Uesca, Zinco Billas e Sobrarbe. En cualsiquier caso, d'as comarcas orichen d'Aragón probiene un gran numero d'os ombres de Luna; de feito, d'os 136 cualo lugar de prozedenzia conoxemos, as tierras d'o biello Aragón dan un 49%. Bisé que son os

¹⁷ DURÁN, A., *op. cit.*, p. 21.

¹⁸ Vid. CONTE, Á., "Aspectos sociales de la población altoaragonesa a través de la documentación templaria de Huesca", *Argensola*, 90 (1980), pp. 260-300.

biellos abitadors d'a billa e iste feito confirma a teoría de que as terras septentrionais d'Aragón estioron a reserba umana d'o reino. Pero tamién i alcontramos chens probeniens de Monegros, ribera de l'Ebro, Moncayo e bels lugares sitios entapar d'o sur de Luna, o que nos amuestra que os intentos de recuperación de bels lugares d'as zonas prepirenencas se fazián con inmigrans d'as terras zentrals e meridionais d'o reino.¹⁹ Ixo esplica a presenza de chens probeniens de Zuera, Sena, Albero, Sariñena u Agón, per exemplo.

Estudiando os lugares de prozedenzia, clama l'atenzián o numero de personas probeniens d'Agüero (16) e de Borau (10). Tamién Embún (5), Larrosa (5) e Murillo (4) son de destacar. En tot caso, ye imposible saper si son inmigrans de primeira cheneración, e estoi que muitos ya son naxitos en Luna.

D'a mayoría d'a población no conoxemos o lugar d'orichen, pero per os nombres parex que son aragoneses. En belas ocasións portan toponimos plateramén nacionais (encara que no estén localizados) u apellitos que lingüísticamente son d'o país: Lera, Ibardués, Lacarrosa, Araulo, Maza, Cuscuello, Foradiello u Fuentes, per exemplo. Atras begatas, ye o nombre: Oria, Alamán, Vicient, Frontín, Gracia, Jurdana, Sanz..., nombres no guaire diferens d'os que se pueden alcontrar en documentación de Luna un século antis, o que continua a sobrebendencia d'a tradición en a relixiosidá.

Composición laboral

O documento no ofrex muita información sobre l'autibidá laboral d'as chens de Luna, pero podemos abenturar o mestier de 42 personas e fer-nos una ideya d'o que podió estar a reyalidá económica d'a billa, an que dominaba, con tota seguridá, o sector primario, con cultivos de zereal, bit e lino, sobre tot, antimás de numerosas terras ta tasca, pribatas u ademprubios.²⁰

Encara que a información seiga escasa, bi aparexen os ofizios que se zitan contino:

¹⁹ En a labor repobladora d'o Temple en terras d'o Alto Aragón, concretamén de la billa de Arneillas, se bei o mesmo fenomeno. Vid. CONTE, Á., *La Encomienda...*, *op. cit.*

²⁰ A documentación templaria de Luna continua ixos cultivos e a importancia d'as terras ta paxentar.

Ferrers, 12.	Baquers, 2.
Sacristán/a, 6.	Merzer/a, 2.
Pelaires, 5.	Escuder/a, 2.
Zapaters, 4.	Ballester, 1.
Moliners, 4.	Coziner, 1.
Corredors, 2.	Cabrer, 1.

A primera cosa que cal tener en cuenta ye que puestar que en bel caso estemos debán un apellito e no pas debán un ofizio, encá que estoi que podría asegurar-se que a mayoría d'os casos se trata d'un mestier. Tamién cal resaltar que no s'han tenito en consideración bels casos dudosos e que, encara que ye cuasi seguro que fan riferenzia á un ofizio, no queda platero, como son os casos d'un tal De las Porgaderas (nº 7), atro dito fillo de la Justizia (alcalso d'o chustizia d'a billa) (nº 22) e Oria Sagristán (nº 35), per exemplo.

Ye prou notable o numero de treballadors artesanals, espezialmén en o seutor metalurchico, que ye con muito lo més importán d'a billa. Entre ferrers, ballesters e escuders suman 15 (o 35,71% d'os ofizios conoxitos). En segundo puesto están pelaires e zapaters (21,42%), dimpués os moliners (9,52%). Ista presencia de treballadors artesanals, e un porzentache de treballadors en o seutor serbizios de 26,19% (entre sacristans, merzers, pelaires e otros), ye preba de que Luna no puede estar considerato como un lugar rural. Parex ebidén que, en os momentos en que se fa o documento, a composición laboral d'a población autiba s'amana més á la reyalidá d'una ziudadá pequeña que á la d'un zentro rural. Ye berdá que os ferrers están presens mesmo en os lugares més chicoz, pero en Luna nos trobamos con artesans de ballestas e escudos, o que significa una espezialización que, cuasi con tota seguridá, teneba como destín a esportación, pos en aquers momentos a presencia militar en a billa no yera tan notable como en epocas anteriores, encara que o castiello garantiba una población militar minima estable. O nibel de consumo d'os grupos sozials dominans (militars, clero —b'eba tres ilesias en o lugar— e pequeña nobleza local) chustificaría a presencia notable de zapaters.

Os moliners se chustifican per a importancia d'o zereal en a zona e en o alto consumo de farina. Atras fuens documentals permiten saper d'a esistencia d'un buen numero de molins en a zona.

Resumindo o que a documentazi3n nos diz sobre o treballyo artesanal, e tenendo en considerazi3n que nom3s conoxemos l'ofizio de 42 personas sobre 338, o porcentache de treballadors d'iste seutor suposa un 8,28% sobre o total d'a poblazi3n, cantid3a mui superior 3 o que ye abitual en o mundo rural e que contimuestra la ideya que biengo esfendendo en iste treballyo, que a poblazi3n de Luna teneba un car3uter semiurbano bien platero.

O seutor terziario tiene en o comerzio o grupo m3s notable e podemos asegurar que o comerzio 3 larga distanzia yera notable. Un merzer no ye un botiguer, sino un mercader, e o mesmo puede dizir-se d'os pelaires, que comerciaban con un d'os produtos m3s importants en as tierras aragonesas. Si ten3senos os datos d'a minor3a chodiga e d'os abitadors de feito que no yeran bizinos, podr3a biyer-se millor a importancia d'o comerzio 3 larga distanzia. A documentazi3n parex mui incompleta, porque no puede capir-se l'ausenzia de carnizers, furners e botiguers, que nunca faltan en lugares de zierta importancia, de manera que o porcentache d'a chen adedicata 3 o comerzio eba 3 estar m3s alto d'o que as nuestras estadisticas manifiestan.

Os treballadors en o que podr3anos considerar seutor alministratibo son os sacristans e sacristanas e os corredors u bozers. Tami3n aqu3 a reyalid3a yera nenezariam3n atra, porque os militares, os funzionarios reyal e os miembros d'o clero, toz con churisdizi3n espezial, no son cuaternatos en o documento. Ye difizil calcular o numero total, pero iste grupo sozial, antim3s, ye de suma importancia 3 la hora de chustificar a prezencia d'artesanos e comercians.

Un solo coziner ye mui poco, tami3n, ta una billa an que l'aristocrazia local e os grupos m3s ricos amenestiban d'iste tipo de treballadors. Cuasi con tota probabilidad3 no aparexen en a rilazi3n simplam3n porque no son que sierbos u criatos e criatas que no podeban tener a condizi3n d'infanzons.

Resumindo lo bisto, no podemos dudar que a composizi3n laboral d'a poblazi3n total de Luna yera prou difer3n d'o que rebela o documento, d'o que quedan escluyitos toz os que, per una raz3n u atra (churisdizi3n espezial, abitadors de feito, sierbos, esclabos...), no yeran abitadors de dreito e consecuenm3n no son cuaternatos en a lista d'infanzons.

D'a mayor parti d'as chens de Luna no conoxemos l'ofizio, pero, fuera d'a pequena nobleza local —posiblem3n toz os que aparexen en a escritura

como “don” e “dona”—, s’adedicaría a quefers agropecuarios. D’ixos només sabemos d’os dos baquers e un cabrer, pero puede asegurarse que a cuasi totalidá d’a poboación yeran labradors-ganaders. Totas as fuens documentals parlan d’a importancia d’o zereal, a bit e o lino en istas tierras, anti-más d’o bacumen, obellas e crapas.

O numero tan alto d’infanzons nos manifiesta un sistema de propiedá d’a tierra an que dominaba la pequena propiedá en mans de campesinos libres. No parex abenturato pensar que a mayor parti d’as tierras d’a billa yera en mans d’ixos labradors que teneban a condición d’infanzons. Atras fuentes, como as templarias, tamién dexan bier-lo, porque, per exemplo, o patrimonio que abastó lo Temple en Luna se fazió á base d’a donación d’a nobleza, pero tamién d’os pequenos propietarios en muitos casos. A conzesión d’a infanzonía prauticamén á toz os habitans d’a billa viene á confirmar a existencia d’una poboación cuasi de raso libre e propietaria de biens.

A partizipación femenina en o trebollo ye atro problema. O documento només nos parla de seis mullers con ofizio (dos sacristanas, dos zapateras, una merzera e una escudera), que tenendo en cuenta o numero total de mullers fa un porcentache de 8,59%. Ista zifra ye muito similar á la que representan os treballadors d’o seutor secundario e fa pensar que o trebollo femenino era prou notable, anti-más beyendo-las treballar mesmo en o comerzio e en a metalurchia e o cuero. Ye de creyer, anti-más, que a muller colaboraría en os traballos agricolas, en o caso d’as familias labradoras, e que a mayor parti d’os traballos serbils en as casas estarían feitos per criatas que, per as razones antis ditas, no aparexen en o documento. Encara que parezca baxo, ixe 8,59% de mullers con ofizio espezializato me parex tamién alto en o momento istorico, e nos torna á manifestar o caráuter no rural de Luna. Pensar que b’ha zapateras e merzeras e mesmo una escudera no dexa d’estar curioso e creba una miqueta la ideya de que a muller en aquers momentos teneba una nula presenza en o mundo produtibo.